

TE TOA TAKITINI.

Te Utu mo te Pepa 10/- i te tau.

Me penei nga reta "Te Toa Takitini," Box 300, Hastings.

564

TE TOA TAKITINI

Aperira 1, 1927

TE MANAAKI A NGA MAORI I TE TAMA A TE KINGI.

Kua tae mai enei kotuku rerenga tahi, kua takahi o raua waewae i nga marae maha o Aotearoa me Te Waipounamu, kua mihia raua e nga iwi o te motu nei, pakeha, Maori, a kua whiti atu inaiane ki Ahitereria haere ai. Kaore rawa he raruraru i pa ki a raua, mai ano o te taenga mai, a tae noa ki te hokinga atu.

Ahakoia i pau te marama tuturu i a raua e haere ana i nga rohe katoa o Niu Tirenī, me te matakītaki ki nga mea whakamiharo o tenei whenua, ko te ra e tino nui rawa ana te raua whakamihi, ko te ra i kite ai raua i te iwi Maori i Rotorua. I korero tonu mai te hoa wahine a te Tiuka, ki te kai-tuhituhi, katahi ano raua ka kite i enei mahi ataahua a nga iwi Maori o te ao no to raua tutatakitanga ki te iwi Maori i Rotorua.

Kei te whakamihi rawa raua ki te pai o nga manaa ki a te iwi Maori i a raua, ki te pai, me te ora o te tinana, me te ataahua hoki o te hanga o te tangata.

Engari ra he pai ano no nga whakahaere a o tatou kai-arahi. Ahakoia i iti iho tenei hui i tera i te wa o te tuakana, ki te titiro atu a te tokomaha o te hunga i kite i tera me tenei, neke noake te pai o nga mahi i tenei o nga hui. Noreira e nga iwi i tu nei ki te aroaro o to tatou uri kingi, o to tatou rangatira, kia ora katoa koutou mo te pai, te ataahua, te wana, te mihi o a koutou mahi hei manaa ki te tama a to tatou Kingi. No koutou ke te kaha, te mohio, me te pai, tau ana ki runga ki te iwi Maori nui tonu, te honore me te kororia. Kia nui nga ora ki a koutou katoa.

Tenei hoki te mihi nei ki o tatou kai-whakahaere huihau noa atu e kore e taea katoatia te whakabua.

Otiira kia nui nga mihi ki to tatou Pirimia me ona Minita o te Karauna, mo te tukunga mai i nga whakahaere ki nga ringaringa o Te Raukōwhiri, o Apirana Ngata, o Ta Maui Pomare, o Te Rangihirua. Mo te taha ki te tangata whenua, ara ki a Te Arawa, kia nui nga mihi ki a Taiporutu Mitere me ona kai-awhina.